



Broj: 07-05-22-5587/22

Sarajevo, 09.03.2022. godine

SKUPŠTINA KANTONA SARAJEVO

Služba za skupštinske poslove

PREDMET: Odgovor na zastupničko pitanje zastupnice u Skupštini Kantona Sarajevo Neire Dizdarević

Zastupnica u Skupštini Kantona Sarajevo Neira Dizdarević je na 48. radnoj sjednici Skupštine Kantona Sarajevo, održanoj 22.02.2022. godine u okviru tačke Dnevnog reda „Zastupnička pitanja, inicijative i odgovori“ postavila sljedeće zastupničko pitanje:

„Da li su informacije koje posjedujem ispravne, a govore da je cijena ogrjevnog drveta kod KJP „Sarajevo – šume“ najviša u odnosu na druga javna preduzeća koja se bave gospodarenjem šumom u BiH, ali i u regionu?“

Cijena ogrjevnog drveta JPŠ Šume RS je na panju 23-38 KM ovisno o klasi, dok je u KJP Sarajevo – šume cijena 60 KM, skuplje je „na putu“ i „stovarištu“.

Cijena drveta na panju u BP Kantonu je oko 50 KM, u US Kantonu od 31-40 KM, dok je u Republici Hrvatskoj između 31-60 KM, a drvo za izvoz oko 90 KM.

Drugo pitanje je zašto KJP Sarajevo šume ne počne sa proizvodnjom peleta jer mogu ga daleko jeftinije proizvoditi i ponuditi građanima Kantona Sarajevo za razliku od monopola privatnih kompanija, te koliko bi sredstava bilo potrebno za izgradnju postrojenja za proizvodnju peleta?“

Odgovor:

Analizirajući cijene ogrjevnog drveta u Bosni i Hercegovini, ali i u Republici Hrvatskoj, može se zaključiti da su cijene ogrjevnog drveta u Cjenovniku KJP „Sarajevo – šume“ u prosjeku iste ili povoljnije u odnosu na cijene drugih preduzeća šumarstva.

Ovom prilikom napominjemo da je KJP „Sarajevo – šume“ d.o.o. Sarajevo u skladu sa članom 46. stav (5) Zakona o šumama Kantona Sarajevo („Službene novine Kantona Sarajevo“ br. 5/13 i

10/21) dostavilo ovom ministarstvu prijedlog Jedinственог minimalnog cjenovnika proizvoda šumarstva i usluga Kantonalnog javnog preduzeća za gospodarenje državnim šumama "Sarajevo – šume" d.o.o. Sarajevo za 2022. godinu na davanje predhodne saglasnosti. Razmatrajući dostavljeni Jedinствени minimalni cjenovnik proizvoda šumarstva i usluga KJP "Sarajevo - šume" d.o.o. Sarajevo Ministarstvo privrede je utvrdilo da su predložene cijene realne i da su u skladu sa trenutnim kretanjima cijena na tržištu šumskih drvnih sortimenata i ostalih proizvoda, kao i da sadrži sve druge elemente na osnovu kojih preduzeće može tržišno poslovati, te je data predhodna saglasnost na Jedinствени minimalni cjenovnik.

Cjenovnik ogrjevnog drveta bez PDV-a u KM za 2022. godinu				
KJP "Sarajevo šume"				
	Na panju	Kod panja	Na međustovarištu	Na centralnom stovarištu
I klasa	30	40	65	82
II klasa	25	35	62	77
Zeničko dobojske šume				
	30	40	70	--
Unsko sanske šume				
	43	57	79	--
Šume srednje bosanskog kantona				
I klasa	28	49	68	85
II klasa	23	44	63	80
III klasa	18	39	58	75
I/III klasa	23	44	63	80
Šume Bosansko podrinjskog kantona				
	35	47	67	--
Šume RS-a				
I klasa	38	--	66	80
II klasa	33	--	55	69
Hrvatske šume				
I klasa	43,42	47,84	82,94	--
II klasa	34,58	39,00	68,64	--

Vezano za drugo pitanje koje se odnosi na peletaru, moramo naglasiti da je Ministarstvo privrede Kantona Sarajevo u saradnji sa KJP „Sarajevo šume“ d.o.o. Sarajevo još u 2021. godini iniciralo i pokrenulo aktivnosti na analiziranju i planiranju izgradnje peletare na području Kantona Sarajevo. Početkom 2022. godine pokrenute su aktivnosti na ispitivanju tržišta kao i iznalaženjem adekvatne lokacije za izgradnju peletare. U vezi sa navedenim Vlada Kantona Sarajevo je donijela Zaključak broj: 02-04-3285-25/22 od 10.02.2022. godine kojim se daje saglasnost Ministarstvu privrede za izradu studije opravdanosti izgradnje peletare čija je izrada u toku.

U vezi potrebnih sredstava za izgradnju postrojenja za proizvodnju peleta teško je navesti iznos sredstava jer prije svega neophodno je pronaći pogodnu lokaciju i izgraditi objekte za postrojenja, skladišta i prateće objekte, te nabaviti postrojenja za proizvodnju peleta što podrazumjeva provođenje javnih nabavki i ovisi od kretanja cijena na tržištu. Procjenjujemo da bi za izgradnju



peletare bilo potrebno oko cca 5-6 miliona KM, a sve u zavisnosti od instalisanog kapaciteta i kvaliteta pojedinih postrojenja, kao i niza drugih faktora.

S poštovanjem,



Dostavljeno:

1. Naslovu,
2. Predsjedavajućem Skupštine Kantona Sarajevo,
3. Vladi Kantona Sarajevo,
4. Evidencija,
5. a/a.